



Citât di Codroip

Premi San Simon

42^e

EDIZION

**PREMI
SAN SIMON**

il Premi Leterari in lenghe furlane

graphic: anthes

AVÏS PAL CONCORS

ART. 1 La citât di Codroip, in colaborazion cu la Agenzie Regjonâl pe Lenghe Furlane (ARLeF), la Societât Filologjiche Furlane, l'Istitût Ladin Furlan Pre Checo Placerean e l'Ent Friûl tal Mont, e bandis il concurs par assegnâ il Premi Letterari in lenghe furlane San Simon 42e edizion, dedicât a la memorie dal Inz. Agnul M. Pitane, par une **racuelte di contis e par un curtmetraç**.

ART. 2 RACUELTE DI CONTIS: lis oparis a varan di jessi scrits doprant no mancul di 150.000 caratars, comprendûts i spazis. I tescj, anonims, a àn di jessi ineditis e scrits doprant imprescj informatics inte grafie uficiâl da la lenghe furlane daûr dal art. 13 da la leç regjonâl 15/96 cu lis integrazions e modificjis fatis dopo. Si varà di consegnâ trê copiis su cjarte da lis oparis e ancje, pene la escluson dal concurs, une copie su supuart informatic in formât Word. Ni lis copiis su cjarte, ni chë informatiche a saran tornadis indaûr.

Lis oparis presentadis a concurs a varan di jessi coretis, definitivis e prontis pe stampe, cuntune fotografie e un curriculum vitae dal autôr, e ancje une propueste grafiche eventual pe cuvierte (a ogni mût, la selte de cuvierte e tocjarà a la segretarie dal Premi). Lis oparis a varan di jessi segnadis, tant che detule, dal titul dal lavôr stes. Non e cognon, puest e date di nassite, codiç fiscâl, direzion di cjase, telefon e direzion di pueste eletroniche dal autôr si varà di metiju intune buste sierade in zonte dai tescj, parsore da la buste al varà di jessi scrit il titul/la detule. Dut al varà di rivâ **dentri di misdi di miercus ai 30 di Jugn dal 2021** li dal Uffici Protocol dal Comun di Codroip, place Garibaldi, 81 - 33033 Codroip (Ud). La buste e varà di jessi sierade e cu la scrite clare **DI NO VIERZI - PREMI LETTERARI SAN SIMON 2021**.

Al autôr da la racuelte di contis, che la Jurie e varà sielzût, i larà un Premi di € 1.500,00 (mil e cincint euros), mancul la impueste fissade da la leç e une plache ricuart.

La Amministrazion comunâl, daûr da la propueste da la Jurie, e podarà decidi di publicâ la opare premiade che e vignarà presentade e dade fûr joibe ai 28 di Otubar dal 2021, inte suaze dal event inmaneât pe premiazion. La publicazion e sarà fate in colaborazion cu la Societât Filologjiche Furlane. I dirits di publicazion da la prime edizion de opare a son di proprietât dal Comun di Codroip.

ART. 3 CURTMETRAÇ: i filmâts a varan di vè un svilup naratif che si davuelç sul teme dal Quadrivium, toponim latin de Citât di Codroip che al vûl di crosere di cuatri stradis. Duncje, il curtmetraç al varà di ispirâsi al teme de CROSERE/INCUNTRI interpretet cun libertât in ducj i pussibii significâts.

I curtmetraçs - no plui luncs di 15 minûts - a varan di jessi ineditis. Lis scritis (titul dal film, titui di cjâf e di code) a varan di jessi par furlan e te grafie uficiâl, i dialics a varan di jessi almancul pal 50% in lenghe furlane e ce che al reste al podarà jessi in cualsei lenghe uficiâl o minoritarie dal mont, ma cui sottitui par talian o par furlan.

A saran ametûts dome file cun chestis carateristicis tecnicis: formât **AVI/MOV/MPEG** comprimûts in AppleProRes o H.264; risolucion Full HD (1920x1080) o plui alte.

I lavôrs a varan di rivâ li de segretarie dal Premi **dentri di miezegnot di lunis ai 20 di Setembar dal 2021** cun spedizion midiant di **Wetransfer** (<http://wetransfer.com/>) ae direzion di pueste **premisansimon@comune.codroipo.ud.it**. Si domandin dôs versions dal curtmetraç: une cui titui di cjâf e di code complets e une dulà che nol è il non dal autôr, pene la escluson dal concurs. La segretarie dal Premi e darà dome la version anonime ae Jurie par garantî une valutazion obietive.

Insieme cul filmât, in zonte, e varà di jessi une autocertificazion firmade in formât PDF o JPG dulà che l'autôr al declare la paternitât de opare, al permet di doprâle e si cjape dutis lis responsabilitâts sui contignûts. Cun di plui si varà di zontâ il curriculum vitae dal autôr cuntune fotografie e chescj dâts: non e cognon, puest e date di nassite, codiç fiscâl, direzion di cjase, telefon e direzion di pueste eletroniche.

Al autôr dal curtmetraç che la Jurie e varà sielzût, i larà un Premi di € 1.000,00 (mil euros), mancul la impueste fissade da la leç e une plache ricuart.

ART. 4 I lavôrs a saran esaminâts di dôs Juriis nomenadis de Zonte Comunâl e formadis di Antonella Sbuelz, Walter Tomada e Gabriele Zanello pes racuelts di contis, Marco Bressan, Marco D'Agostini e Alberto Youssef pai curtmetraçs, dal Sindic o di un Assessôr delegât di lui cun funzions di President onorari, e ancje di un segretari nomenât di bande de Amministrazion comunâl.

ART. 5 Par dutis dôs lis sezions: a lis decisions da la Jurie no si pues fâur cuintri.

ART. 6 La Jurie e à dirit di lassâ fûr chës oparis lesivis in maniere evidente dai dirits umans e sociâi, di caratar politic, cun contignûts ossens e violentis.

ART. 7 Se nissun lavôr (racuelte di contis/curtmetraçs) al sarà giudicât miôr di chei altris e degn dal premi, il Premi no si lu assegnarà, o pûr si lu dividerà in parts avuâls (ex aequo) jenfri lis oparis judicadis lis miôr.

ART. 8 I autôrs di altris oparis che la Jurie e ves di giudicâ degnis di une segnalazion a varan in premi une plache a pueste.

ART. 9 Lis oparis che a varan vincût o che a saran degnis di une segnalazion a saran valorizadis inte suaze di events inmaneâts da la Citât di Codroip midiant di leturis publichis, proiezioni (in colaborazion cul Circul culturâl Lumière), mostris e altris ocasions di divulgazion.

ART. 10 No si fasarà nissune comunicazion sul judizi da lis oparis no classificadis.

ART. 11 La partecipazion al concurs e je a gratis. I autôrs che a concorin a acetin in dut e par dut chest avîs e a autorizin il Comun a tignî i dâts personâi declarâts, l'ûs di chei dâts al è leât a strent cul Premi e cu lis sôs proceduris; al è escludût che a sedin doprâts par altris fins.

ART. 12 La proclamazion dal autôr vincidôr eventual e di chei che a àn meretade une segnalazion par dutis dôs lis sezions dal bant si le fasarà tal di di San Simon, joibe ai 28 di Otubar dal 2021; la ore e il lûc da la cerimonie si le fasarà savè ai vincidôrs e ai segnalâts cuntune letare personâl. Il public si lu visarà cuntune comunicazion a pueste.

Si antcipe che te 43^e edizion dal Premi San Simon, che si tignarà tal 2022, a saran a concurs dôs sezions: il romanç e il fumet.

Codroip, Marc dal 2021
L'ASSESSÛR A LA CULTURE

Dot. e Tiziana Cividini

IL SINDIC

Dot. Fabio Marchet

Par vè plui informazions si à di scrivi a
premisansimon@comune.codroipo.ud.it



Città di Codroipo



in colaborazion cun



Societât
Filologjiche
Furlane



Societâ
Filologica
Friulana



Istitût Ladin Furlan
'Pre Checo Placerean'

